



**3** Хіакьмуний бавцуминнан Аллағьнал ﷻ кумаг байссар!



**5** Адам Идавс ﷻ Алжаннава увксса куц



**7** Хіакьсса суфизм «ашкара» даву



НА ЛАКСКОМ ЯЗЫКЕ

БУСУРМАННАЛ РУВХИАНИЙССА ККАЗИТ

## Хіакьмуний бавцуминнан Аллағьнал ﷻ кумаг байссар!

Лакрал ва Ккуллал районна имамнащалсса интервью

**Массуев Алиясхаб, увссар 1979-ку шинал Бишкентлив (Узбекистан)**

**1996-ку шинал ватандалийн увкун, Дагьусттаннал Исламрал Университетравун дуклан увкссар (ш. Кизилюрт)**

**2002 шинал Кундиял шярваллил имамну зий айвхьуссар.**

**2008-ку шиная махь Лакрал ва Ккуллал районна имамну зий уссар.**

Алиясхаб, буси инава имамну зий цукун айивхьуссарав.

2002-ку шинал, Кизилюртлив дуклакисса чумал, на ттула устаз Саид-Афандиначлан (кь. с.) лавгссияв. Ганал ттухь цувхьуна, «Ина ссаха зий, ци дуллай ура?» – куну. На бувьссия дуклай ушиву. Яла шайхнал ттуин амру бувна, ттула буттал шярвун лавгун имамну зий айишин, шиккура элмугу лахьлай. Гания махь на Кундиял шярваллив имамну зий ура.

**Кира районналул имамшиву дан захіат шайрив?**

Районналул имамнал даву – цалчин Аллағьнал ﷻ хьхьичі захіатсса жаваб дулун бағьайсса даву дур, амма ва даву ттуйра дирхьукун, бюхьайкун дан хіарачат бан аьркини ттиссара, Кьямасса Кьини жамаатравасса гьарца инсаннахлу жаваб дулун бағьайнутий. Жамаатравасса гьарца инсанначлан Исламрал дин диян кьадарча, гьунтти Аллағьнал ﷻ хьхьичі ацан аьркиншиву кІулссархха. Ялунссаннун цІана хьинну чІявусса сектарду ливчуну бур «свидетели иеговы», ваххабитьтал, ва цаймигу, жулла дин даччан



дан, зия дан ччисса. Цуксса хіарачат буларчагу, миннаща тІайласса дин духлаган дан кьабюхьантиссар, цанчирча, Кьурьанналуву увкуну бунутий: «Аллағьнал ﷻ хьхьичі хіакьмур дин – Исламри». Аллағьну Таабланал марцІсса дин Кьямасса Кьини дучІаннин дуруччинтиссар, амма жува хіарачат барча, мунил сававну жува хьун бюхьайсару. Ислам машгьур шаврин ххуллу лакьин ччисса душмантал бухьурчагу, миннаща цичІав бан кьашайссар, хіакьмуний бавцуминнащал Аллағьнал кумаг бунутий.

» 3

## Бусравсса оьрму бувтма

Мадрасалул муаьллим шагьидну лавгунни

**Март зурул 9-нний Кіурххил ссят 4-нний Кизлярдал райондалийсса Ясная Поляна ттисса шяраву, цала шава бивтун увтунни мадрасалул муаьллим Ильяс-хіажи Джаьфаров.**

«Ильяс-хіажи чІявусса кІанттурдай имамну зийгу ивкІссар. Га тачІав бигьасса даврих ягу «гьелисса кІанттух» луглан кьайкІайва. Кизлярдал райондалийн нанисса чІумалгу, ххуйну хіадургу хьуну лавгуна, мудан цала давривухікІайва. ШчинчІав зарал биян кьабайсса инсан бивтун увтунни» – тІий ур ганал архІал зий ивкІсса МухІаммад-хіажи МухІаммадов.

Абубакр-асхІаблул увкуссар: «Аллағьнал ﷻ ххулий ивчІан ччисса инсаннан КІанал ﷻ лайкьсса оьрму булайссар». Халид



бин Валид тІий ивкІссар: «Нава гьунтти гьазаватрай шагьидну ивчІанхьува тІий, умуд бивхьусса кьини, ттул оьрмулуву яла ххаримур кьини дия».

Халкьуннан марцІсса дин лахьхьин дуллалисса, Исламраха зузисса аьлмтал литІлатІиминнал бусурманнан цуксса зарал биян буллай бурич ххал бара! Мий бухьунссар аьлмтал литІаврийну Ислам духлаган дан хьунсса ххай.

## Барачатрал щарацци

Буйнаксклив цІуссамизит тІитІаврин хас дурсса мавлуд

**Хіажи-Мурад Раджабов**

**Рабиюль-аввал барз цинявпагу бусурманнан ххирасса, бусравсса барз бур, цан чирча, гьарца бусурманчувнал оьрму байбихьулия ахирданин биянин МухІаммад ИдавсичІансса ﷻ ччаврищал бавхІуну бунутий. Ва зуруй чІявусса бусурман мавлудирттай ца кулпат кунма цачІун шай. Мугу хьанахьиссар щалвагу умматрал цашиврул лишан.**

Мукунсса барачатсса мавлуд хьунни март зурул 6-нний Буйнаксклив цІусса мизит тІитІлатІисса кІанай. Жунма кІулли ва шагьру цІлва чІумал Дагьусттаннал хьун шагьруну бивкІшиву. Шикку диркІссар цалчинсса РувхІанийсса Идара, щалвагу Аьрасатнаву машгьурсса Мавраевлул типография. Ва шагьрулий зий ивкІссар цалчинма муфтий Сайфуллагькьади Башларов (кь.с.)

Кіурххилва байбихьуну щалвагу Дагьусттаннаясса бусурман Буйнаксклив мавлудрайн батІлан бивкІуна. Ялун урувгунма чІалай бия, ва мавлуд дан хьуннасса хІадуршинна дурну душиву. Мажлис чанна лавхьун бия

хьунисса шайхтал ва аьлмтал бучІаврийну.

Цалва вягьзалува Дагьусттаннал муфтий АхІмад-Хіажи Аьбдуллаевлул увкунни: «Хіакьину ва мизитраву мавлудрайн батІин бюхьаврихлу жунма хьунмасса щукру бан аьркинссар. Жунма дакІний бур цаппара шиннардил хьхьичі ва мизит буллай байбихьуну, цалчинсса чару бивхьусса куц, хіакьину Аллағьнал ﷻ кумаграйну, жува ва мизит тІитІлай буру. Жува Аллағьну Таабланайн щукрулий бикІарча, КІанал ﷻ жунмасса неьматру хьиннува чІяву бантиссар. Мияжаннугу хьунмасса неьматри жуцава шаппагу, мизитирт-

тавугу Аллағь ﷻ ва Идавс ﷻ кІицІ лаглан бюхьлай бушиву. Дуссия чІун, ца-цавай хІукуматрал кьуллугьчитуран Ислам кьадурчІлачисса. Хіакьину миннангу бувчІлай бур Исламрая так хайр бияншиву. Ца заманнай ивкІун ур ца паччахІ, талихІрай цалва оьрму бутлай, хІукуматрал каялувшиву дуллалис-

са. Муна гьарца давриву тІайлабацІу шайсса бивкІун бур, салихІсса инсантуращал маслихІат кьавккун, гайннах вичІи дишайнутий. Ца кьини муначІан инсаннал сура трайсса Иблис бувкІун увкуну бур: «Ина халкьуннан хьинну чІявусса хьинмаларду бувунни, мукун бан инсаннаща кьашайссар, ина Зал ухьунссара»

– куну. ПаччахІ ми мукуьрттийн вих хьуну, мияжаннугу цува Аллағь ххай, щичІалчІав маслихІат кьабуллай, цанма ччимур буллан ивкІун ур. Муния махь ганал щалла хІукуматту лекьа-пякьу хьуну, духларгун дур. Мунияту, оьсса инсантуращал буминнал ахир ххуйсса кьадикІайссар» – увкунни Муфтийнал.

Мавлудрайн бувкІмий хьинну ххари бувна шиккун Накьшубанди ва Щазали тІарикьатрал шайх Саид-Афанди (кь.с.) учІаврил. Ванал гьалгьа, муданма кунма, хІикматшиврул бувцІуну бия. Устазнал бувсунни тІарикьатрая жуйнма бияйсса рахІматрая ва барачатшивруя. ТІарикьатрал хіакьсса мянагу буслай дурчІин дан кьабюхьайшивруя.

Дагьусттаннал цІусса президентнал цІания мажлисрайн бавтІмий барча бувунни Бекмурза Бекмурзаевлул.

Аллағьнал ﷻ кьамул даннав ва мавлуд, цІусса мизитту барачатну тІивтІусса хьуннав!



Редакторнал колонка

## Цумурди жулла байран?

Гьарца шинал март зурул 21-нний цан ларкьуну махь Дагъустаннал чярумий шярваллавун ва шагьрурдавун «навруз-байрам» дуркун, кичиртту кфурал лухи лаган бай. Мунил сававгу, «цусса шин», «интнил хьхьу» хьуна дакълакьисса «бусурманнал» дирхьусса цу. Бусурманнал цусса шин та дайдишайсарив, та кьуртал шайсарив, бусурманнал календарь цукунсса буссарив кьакулуну, куннал-ку цусса шин дучлавришал барча буллалиссагума биклай. Жула ххирасса Мухаммад Идавс увсса Рабиоъл-аввал зурушчал барча баннив чявуминнан дакнин кьабагьунни.

Цана жагьилсса душвараву цаппарасса бур, бакрай карши дутан нигьа бусласисса, му «аьдат» хьхьича заманну васса дунутий, амма муниядрагу хьхьичара диркьсса байран дуллаи, цларал ялтту танкI учайсса аьдат цу дуккан дан нигьа кьабусайсса. Мукунсса «бусурман» армталгу, хьамигу хлала бувххун, танкIру дуллаи булукьай.

«Интнил хьхьуну» цларал ялтту тIанкI учирча, чурххава цуцлаву дуккайссар, барачат бияйссар» тий, мяйжаннугу мунив вих хьанахьима Аллагьнал кьадарданый ва кьудратрай щак тIима хьанай ур.

«Интнил хьхьунил» гьану Исламрал динналин кьаршисса, цараха икрам-эбадат дайсса чумува бувкьссар. Жула Идавсил увкуссар: «Цумур бунугу миллатраха лашан хларачат буллалима – гайн-навассар». Ва хладисрайн бувну, жува бусурманнан лайкь дакьасса, чапургураха лашан буллалисса тIулу дулларча, Иман дакьа ва дуниял кьадитаврия нигь дуссар. Имам Раббанинал увкуссар: «Цларан икрам байсса байрамран хIурмат бувма тIайласса динналул ххулия аьвкьуну, хлакьсса Иман дакьа личантIиссар».

Цларал ялтту тIанкIру дуллаигу ивкун, яла чаклий авцусса бусурманчу аьжайвну кьачалансарив?

«Интнил хьхьунил» байрамрал аслу ялун урувгунма Исламрашчал бавхусса бакьашиву чIалай бунугу, «буттал-буттахьая нанисса байранни» тIугтIиссагу бур. Мукун пикри буллаи ялапар хьанарча, щил унугу бутта цурк байсса, чак кьабайсса ягу цамур бунагь байсса ухьурча, ганал асрнангу аьркинни «ттул бутталгу дадайссия, нагу дацлан аьркинссара» тий, цурку хьун. Мукунсса пикри ахIмакьсса бушиву гьарцаннангу чIалай бур.

Жува Аллагьнал цимилийну бусурманну лывхьуну бухьувкун, лайкь дакьасса байраннугу, тIуллугу кьадиртун, Идавсил бан ккакан бувмур буллаи, кьадагьа дирхьумур кьабуллаи, циньяннан жулла марцIсса динналул ххуйшиву ккаккан дан аьркинни. Цан чирча, бусурманнан цалла дин кьакIулишиврул цаний, жулва душмантал бур жува ссаха-бунугу зузи бувну, телевидениелувух, интернетравух, кказитирттайхIин жулла динналувух хларамсса аьдатру хлала дурну, Ислам щалла дунияллийх ппив кьахьуншиврул хларачат буллаи.

Аллагьу Тааьлал жулва яру ва кьюкIру хлакьмур кьамул бан тIитIин даннав! Амин.

## ДАГЪУСТАННАЙ

# Фарз биттур баншиврул

Уттигьанну Дагъустаннал Бусурманнал РувхIанийсса Идаралул хларачатрайну итадаркьунни чак бан лахьхьин байсса оьрус мазрайсса диск, маз кьакIулсса бусурманнасса бувчIин бавугу дусса (сурдопеперевод).

Маз кьакIулсса жулва динналул уссурвавран ва ссурвавран ттинин хьинну захIматну биклайва чак бан лахьхьин. Утти ва дискрал кумаграйну миннащягу бюхьантIиссар хьинну бигьану Исламрал яла агьаммуркуну биттур дан лахьхьин.



# Хьаннин марцIсса дин лахьхьин дулмай

Хлакьинусса кьини бусурман хьаннин динналул цансса гьира хьинну хьунмасса бухьувкун, Дагъустаннал Бусурманнал РувхIанийсса Идаралулу хьаннин отдел зий дуссар. Шикку зий бур Исламрал элму дурккусса бусурман хьами. Динналуцун, кулпатрацун бавхусса суал булун ччисса хьаннин вайннал хьунмасса кумаг бувай. Ва давриясса мюнпат хьиннува хьунмасса бикланшиврул, ДУМД-рал хIукмулин бувну, нюзмардий цал хьаннинсса динналул лекциярду буллаи байбивхьунни. Шиккун бувкун хьаннища цалва суаллайн щаллусса жавабру ласун бюхьантIиссар.

Лекциярду бувайссар МахIачкьалалив гьарца ххулун кьини ахттайнмай сьят 3-нний. Адрес: Абубака-

рова 115 б. (Сайид-Мухаммад хIажи Абубакаровлул цанийсса фондрал кьатраву). Шиккун бучансса сант дакьасса хьаннища хьунтIиссар вай номердайн цалва суаллу гьан бан:

Тел.: 8(9882) 91-14-13;  
8928-523-26-84;  
8906-446-05-90.

muslimatdumd@mail.ru

muslimatdumd@gmail.com

Odnoklassniki: Ульбька мусульманки

В Контакте.ru: www.vkontakte.ru/id60352309

ICQ: 589-581-819; 570-683-432;

559-537-134; 596-421-237;

# «Ислам – дакьаврил дин»

Сайидмухаммад-хIажи Абубакаровлул цанийсса фондрал баян бувунни «Ислам – дакьаврил дин» тIисса творчестволул конкурс бувантIишиву. Конкурраву гьуртту хьун бюхьантIиссар Дагъустаннал школардай дуклакисса оьрчIаща, студентьгураща, аспирантьгураща. Гьурттушиву дан ччиманал гьан дан бюхьайссар ва адресрайн: 368000,

МахIачкьала, ул. Абубакарова 115а, ягу МахIачкьалаливсса хьун-мизитрал чIаравсса Сайидмухаммад-хIажи Абубакаровлул цанийсса Фондравун ларсун бучан бучIиссар. Конкуррал хIасиллу дучIан дантIиссар апрель зурул 23-нний.

Ххув хьуминнан бахшишру дулунтIиссар!



# Эбадатрал барз



Мухаммад Идавс увсса рабиоъл-аввал зуруй Дагъустаннайсса чяруми шархьаву мажлису-мавлудру дурунни. Лакрал ва Ккуллал районнал жамаатиртталгу ва мубараксса барз Идавсия буслай, мавлудру дуллаи гьан бувунни. Мукунсса даража лавайсса, барачатсса мажлису бувунни Гьумук, КIундив, Хьурхьив, Хьуймив, Чяв, Кьубав, Сумбатлив, Урив, Ххюлюсмав, Мукьарив, Вихьлив, Балхьарав, Гьущив, ШовкIрав, Щарав, Щуликьанив, Хьюлив ва цаймигу лакрал шархьаву. Мавлуд дуллалисса чIумал шярваллал жамаатру цацун хьуну, циняв хлала бувххун мавлудраву гьуртту шайва. Хьинну гьира буну мавлудру дуклай, вььза-насихIатирттаву бусласимуних вичилиий бия жулва инсантал. Мухаммад Идавсил хладисрайн бувну, укунсса динналул мажлисраву гьуртту хьусса инсаннан хьинну хьунмасса чири шайссар. Аллагьнал жухьхьунма тавфикь булуннав мукьахгу укунсса мажлисирттаву гьуртту хьанан!

### Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

### Редакционный совет

Председатель редакционного совета муфтий РД Ахмад-хаджи АБДУЛАЕВ  
заместитель муфтия РД Махди-хаджи МУТАИЛОВ

### Главный редактор

Патимат ГАМЗАТОВА

### Редактор

Иса ОМАРОВ

### Канонический редактор

Мухаммадрасул МАГАДОВ

### Ответственный секретарь

Ахмад МАГОМЕДОВ

### Менеджер

Мухаммад ХИРИЯСУЛАЕВ  
Халидасхаб МАМАТХАНОВ

### Компьютерная группа

Лейла ГУСЕЙНОВА  
Гульнара АБДУЛАЕВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна.

Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № \_\_\_\_\_

Тираж 3. 250 экз.

Сдано в печать 12 марта 2010 г.

Индекс 51388

### Адрес редакции

367015, РД, г. Махачкала, ул. Азиза Алиева 2.

Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;

www.assalam.ru

# Хакъмуний бавцуминнан Аллагънал кумаг байссар!

**1 « Кира районналул имам ухъувкун, цукунсса масъаларттащал хъунаакъин багъай?**

Хакъинусса кьини Лакрал ва Ккуллал районнай динналул чулухуннайсса яла хъунмур диялдакъашиву – гъарца шяраву зунсса имамтал биял хъанай бакъашиву дур. Аллагънал ﷺ цимилийну мукунсса шяраваллурду чан хъанай дур, амма уттигу 12 шяраву мизитру бур музейру кунма, бачъла бавцуну. Бучълай гай шяраваллал жамятрал, администрациялул вакилтал имам аьркинну ур тий, амма хакъину лакраву элму дурккусса аьлимтал чанну бур. Мунияту цаппара шархъаву цайми миллатирттавацца имамтал битан багъай. Гъарца шяраву имамну цала шяравучу зуншиврул, Исламрал университетравун дуклан оьрчъру гъан бан аьркинни. Цана тюрча, Махъачкъалаливсса Исламрал Университетраву динналул элму лахълай так 12-13 лаккучу ур. Иншааллагъ интту Гъази-Гъумучиял шяравучу мадраса зузи бан ччай буру.

**Районнал жамаат динналул чулухунмай цукун буруглай бур?**

Алхъамдулиллагъ, 90-ку шиннардий бивкъсса иширах бурувгун, оьккину бакъар. Га чумал Лакрал ва Ккуллал районнай динналул чулухуннай цукунчавсса низам, бакъмагъ къадикайва. Дуссия чун, нитти-буттал цалва оьрчъру динналул аслу-гъанурду лахъхъин мизитравун гъан къабитайсса. Га бия бакърай бусурманнал тлакъа дишайманая лагма-ялттуми ниъга бусайсса замана, мугу гайва ваххабиттурал «хъарачатрайну». 90-ку шиннардий гай бия булувкъуну жагъилтал баякъин булла, цацалва бакъамийгу ниъгалу бургъуну. Аллагънай ﷺ щукру, цана дахханашиву хъанай дур, халкъ марцъсса динналул ххуллийн кпура баллай бур. Динчак дайминначансса адав-хурмат гъарца хъанай бур. Цанчирча, нитти-буттан чалай бунутгий, чак буллай байбихъусса цалва оьрчълал хъан къахъачайшиву, къалиян къаучайшиву, багъу-бизу хъинмур чулухунмай баххана хъанай бушиву.

Мукунма, жу школардайсса дуклаки оьрчъащал хъуна бакъару, наркотикиртал, хлантил ва цаймигу исламрал къадагъа дирхъусса затирттал жунма биян буллалисса заралдания бусару.



Бархъаллал Маллайлул зиярат

Алхъамдулиллагъ, нюжмар кьини мизитирттавун бучълаймигу ххи хъанай бур. Хъхъичъа нач хъанай ягу пикри бакъашиву дуллай бивкъминнан бургълай бур чак бавриву цанма так мюнпат, барачат бушиву. Жула Мухъаммад Идавсил ﷺ увкуссар: «Ца инсан динналул ххуллийн тлайла ацлан аву хъинссар ва дуниял ва ваниву думунир». Мунияту гъарца шяраваллаву жу хъарачат бару нюжмар кьинисса вяъза лахъну микрофонналувух бан, мизитравун къабувкминнангу бавну, ца-киннан бунугу асар хъуну, тлайламуниин кпурабаянссар тисса умудрай.

**Шариаьтрацун къадаркъусса аьдатругу хъуна дакъайрив?**

Чяруми Дагъусттаннал шяраваллаву кунна, Лаккуйгу дур мукунсса аьдату. Масъала, март зурул 21-нний «интил хъхъу» дуллаан бикъай. Жу жушъава шайкун бургъин бувару му жулла динналуву мукунсса байран дакъашиву. Мукунна, бивкгу бучъавривугу дур цаппара аьркин дакъасса аьдату. Масъала, арулва, мйява, мукъцалва, ххюцаллий кйива гъантта, шин даву. Зузива гъантта ягу ацъра шин дуллалиссагума бикъай!

**Лакрал ва Ккуллал районнай тарикъатрал вирд лавсъсса муридтал бурув?**

Тарикъатрахсса къулагъас махъсса

шпурттуву гуж хъанай дур. Чявуминнан бургълай бур, шайх акъасса инсаннаца дакъинхтуну Аллагънаа ﷺ эбадат дуллаан къашайшиву. Жунма щукру бан аьркинни, хакъинугу Дагъусттаннай хакъсса Идавсил ﷺ варистал бунутгий, цалва муридтал дунияллул ва Ахиратара талихъраин бучъан байсса.

**Ас-Салам кказит чичаву цукуннай дур?**

Аллагънай ﷺ щукру, шиная шинайн подписка чяру хъанай дур. Тгун дакъний бур, 2005-ку шиннал, жу Лаккуй подписка дахъра дайдирахъуса чумал, кйивагу районналий так 110 кказит бикъайссия. Агъалинан чалай бур ва кказитращал цалва къатравун барачат бухлай бушиву. Масъала, имамтал бакъасса шяраваллаву хакъсса динналул кпулшиву ласунсса цамур сант дакъар. Мукунма, ца-цавай бикъай тлайланма имамнахъхъун суал булун нач хъанай, хаснува хъами. Миннацагу бюхълай бур захъматсса суаллан жавабру кказитрайхъчин кпул дан. Жунна чанна-чанну кпулну диклан аьркинсса динналул элму му кказитрал дуллалиссар.

Имам Раббанинал (къ.с.) увкуссар: «Исламрал инсаннан дунияллий ва Ахиратраву так хъинмур дулайсар». Жунма цинявннангу аьркинни къанкъану Исламрал дин дугъан, элму лахълан, Ахиратраву хакъсса талихъраин бияншиврул. Аллагънал ﷺ жунма кумаг баннав! Амин.

Хажу-Мурад Раджабов

**Исламрай ци аьйру?**

Хакъину халкъуннан Ислам тисса махъ личи-личисса мягънардай бургълай бур.

Цавайннахъ цууххирча, Ислам так аьдатирттайн кпура дарну дур. Миннал тймуниин бургъу, дин дайсса инсантал оьрмулуву гайминнаяр махъун багъну, хъхъичъазаманнай куна ялапар хъанай бур. Мукунминнал учай: «Жул жулва оьрму бур, муниву динналул кпану бакъассар».

Цайминнан чалай бур динналуву тлайлашиву душиву, амма миннал оьрмулувугу Исламран ялттувацца кпану буллуно бур. Миннал учай: «Жу Аллагънай ﷺ вихру, амма уттигу дин дуллансса кпанайн къабивру». Укун тйутйиминнан динналул мягъна дургълай дакъашиву чалай бур, цан чирча, динналул инсан цалва оьрму бутавриву цукунчав кума уллай акъар. Инсантурал оьрмулул багъу-бизу, так ца эбадатарал чул бакъасса, цаймигу хъинну чярусса личи-личийсса сававрая сакин шайссар. Масалдаран, ласуну чув-бунугу зузисса кйия зузала. Цалчинма ур цала даврийну лагма-ялттуминнан бигъашиву дурну, мюнпат биян бан ччай, цалла дурсса даврин лайкъсса харжгу лавсун, кулпат ябаншиврул. Кйилчинмарив ур так ца харжирал цаний зий. Цалла даву ялттура дулла, цалва гайминнан биян буллалисса заралдания пикри къабувну. Укуннасса личишиву дуссар дакъинхтуну Аллагънай ﷺ вихну, Шариаьтраин бургъу оьрму бутан хъарачат буллалиманалгу, дин укуннасса аьдатрайн кпура даен дурманалгу. Зува пикри бувар, Аллагъная ﷺ ниъга къаусайсса инсан цалла даврих, лагма-ялттуминнахъ цукун урганссар? Бюхъай мунал оьсса тпуллу къадуллаан, инсантурал цайнма махъ къаучиншиврул, ягу танмихъ къабаншиврул. Мукунминналли бигъанма наркотикру бургъу баххайсса, къалпсса дарурду, дуки-хъачъия дайсса, миннуя халкъуннан хъинну хъунмацца зарал бушиву кпулну бунува. Му хъанахъиссар диркйисса Иманналул лишан.

Чаравсса агъалинан зарал биян баврия инсан Исламрал уруччайссар. Дунияллий инсантал ляхъан бургъиня шинмай, Аллагъу Тааьланал Цалва ﷺ Идавстурайхъчин ва Луттирдайхъчин миннайн марцъшиврийн ва тлайлашиврийн оьвтгий ур. Идавсил ﷺ буссар хъадис, инсан цанма ччимур гаманангу ччай, цанма къаччимур гаманангу къаччай икпан аьркиншиву жухъва бусла-сисса. Ва хъадисращал чявумий рязи шай, амма ванил тймунийн бургъу аьмал буллалимий чансса бур.

Исламрал яла агъамий гъанурду хъанхъиссар – рахъму, сававатшиву, хурмат бушиву, дакъаву. Куръанналуву Аллагъ ﷺ амру буллай ур циняв бусурманнайн лагма-ялттуминнацалсса багъу-бизулуву хъиншиву, тлайлашиву дувара тий. Цинявпагу халкъуннал Аллагънал ﷺ хъхъичъа жаваб дулунтйиссар цалва бивзсса гъарца шаттирах.

Цана бур цавай инсантал, бусурманнал чулуха ци-дунугу тлайлакъашиву дуккарча, ягу гайннал бунагъ барча, щалагу динналий – Исламрай аьй дуллалисса. Цивпа бусурманнан ккалли буллалимий динналул ххуллу багъайкун бургъуну най бакъахъурча, Исламрайсса аьй циири? Гайми бусурманнал диялдакъашивуртту ккаккан дулла, чак къабулалиссагума бур, чак байсса ганал уку-тукунсса бунагъру бай, на чак къабарчагу, гай бунагъру къабувара, на ганаяр марцъссара, тгун чак къабангу бургъиссар тий. Аммарив Кйия-масса Кйини гъарцаннал цалва-цалва бунагъирттахи жаваб дулунтйисса. Аллагънал ﷺ жуйва му кьини цими бишиннав, Мухъаммад Идавсил ﷺ шафааьтгу жуйнма биян баннав! Амин.

## Азанналул (акбарганул) хъирив дуккайсса гуаь

Аллагъумма рабба гъазигъи-дъагъвати-ттаммати вассалати-лъ-къаимати ати сайидана Мухъаммаданиль-васлията валь-фазиялта ваб'аьсгъу макъама-м-махъмуданиль-лязи-вааьдтагъу варзукъна шафааьтагъу явма-лъ-къиямати. Иннака ля тухлифуль миаьд.

اللَّهُمَّ رَبَّ هَذِهِ الدَّعْوَةِ التَّامَّةِ وَالصَّلَاةِ الْقَائِمَةِ أَتِ سَيِّدَنَا مُحَمَّدًا  
الْوَسِيلَةَ وَالْفَضِيلَةَ وَابْعَثْهُ مَقَامًا مَحْمُودًا الَّذِي وَعَدْتَهُ وَارْزُقْنَا شَفَاعَتَهُ  
يَوْمَ الْقِيَامَةِ إِنَّكَ لَا تُخْلِفُ الْمِيعَادَ

Хасан  
Мухаммадов

## Яла хъинмур эбадат

Динналул элму лахъхъаврил ххирашивруя жухъва бусласисса чъявусса Идавсил ﷺ хадисру ва Къуръанналул аятру бур. Миннивацца ца бунугу къабавсса, къакулсса хлакьину цуцав акъахъунссар. Масъала, Аллагъу Тааъла Къуръанналулу тий ур: «Элму думий ва дакъамий архлай бацлайссарив!»

Мухаммад Идавсил ﷺ увкуссар: «Элму тлалав даву – гъарца бусурманчувнал буржри». Элму тисса мукъувун дагъайссар жува Аллагъначан ﷻ гъан байссса цинярдагу кълувивуртту.

Цамур Абу Дардаълул ﷺ бувсъсса хадисраву увкуну бур: «Динналул ца масъала лахъхъаву ххирассар, хъхъуниву эбадат дан изавунияр».

Жула Идавсил ﷺ увкуссар: «Элмулул мажлисрай шаяклаву хъинссар азарва чак бавунияргу, азара къашайшалаха къуллугъ бавунияргу, азарва жаназалул чакливу гуртту шавунияргу». Микку Идавсикъ ﷺ цувахъуссар: «Къуръан буккавурияргу хъинсарив?» – куну. Расудулагънал ﷻ: «Элму дакъанува Къуръан буккайманил цукунсса хайр ласунтиссар муния?» – увкуссар.

Вай хадисиртгал жунма члалачи буллай бур, Аллагънал ﷻ хъхъичи яла ххирамур, лараймур эбадат – элму лахъхъаву душиву. Цан чирча, Исламрал элмулувун духхайссар инсан дунияллийн увсса члумя байбихъуну, гъаттаун ухханнин ганан аьркин шайсса циняр элмурду. Исламрал жунма лахъхъин буллай бур ялапар хъун аьркинсса куц, багъу-бизу. Инсаннал шалва оьрмулул низам дуссар Къуръанналулу, динналул луттирдаву ккаккан дурну. Мугу хъанахъиссар яла камилмур низам, мий кълувивурду Идавсийхчин ﷺ жучанна Аллагъная ﷻ дуркисса дунутий. Цумур бунугу динналул элмулувусса масъала ххал барча, члалан биклай ганивусса Аллагънаясса ﷻ хикматшиву ва Заннал ﷻ цалва лагъартунначансса Рахиму.

Цанансса члумал хъуна бакъай инсантал «Ва элму динналулли, вамур оьрмулулли, дунияллули» – тиссагу. Исламрал элмулувун так чак баву ва зума дугъаву дакъа цичлав къадагъайсса ххай биклайхъунссар. Аллагънал ﷻ инсан Цана яла ххираману ляхъан увссар, яла исвагъимур жавгъарну хъанахъисса дингу инсанан дуллуссар.

**Абубакр Сиддикъ** – цалчинма халиф ва Идавсил ﷺ асхлабтурава яла хъхъичлунма тий ивкиссар: «Жулла дин элму цанная гаманайн дулаврий дарцулу дуссар, инсаннал цалва пикирийн бунугу бувсса амаллай дакъассар». Исламрал динналулу мукун мудан бивкиссар, махъсса ппурттуву Къуръан ва хадисру цанма ччан бивкисса куццуй бувчин буллалимий букканнин. Миннал мукун къабуллай, хъхъичивасса хъунисса аьлимтурал чивчусса луттирдаву тимур буллай бивкиссания, бусурманнаву цашивугу дикланссия. Мукунминнал хъиририв вацравун «джигъад» буллан лавгминнан, чъявучин, чаклил цинярда шартлурату кълуну къадиклай, гъазаватрая гъалгъа тлун чунни!

Хлакьину жунна Исламрал элму лахъхъин ччарча, хъинну чъярусса сантру дур. Исламрал университетру, мадрасарду бур. Жулва оьрчан мюрщину бунува тлайласса аькьида, динналул ххуллу лахъхъин барча, мий хъуни хъувкунгу къабайкъинтиссар.

Элмугу лахъхъин аьркинссар аьлимчувначан лавгун. Му муаьлимнал къюкльива мутааьлимнал къюкльивун нанисса нурди. Мукун лархъхъусса элмулулу барачат биклайссар, цан чирча, га аьлимчувналгу элму цала муаьлимная ларсун дунутий, ганалгу цаламаная, мукун Мухаммад Идавсийн ﷺ бияннин. Аллагънал ﷻ жухъхъунма тавфикъ дулуннав дунияллий ва Ахиратраву мюнпат бусса элмурду лахъхъин! Амин.

## Тизаманнул хариджъттал

Халиф Аьли-асхлаб ивкисса куц

**Ахимад Абдурашидов**

Хариджитътуращалсса талатаву хъуну махъ мий паракъат хъуссар, Аьлиасхлаб ﷺ халифну усаксса миннаца цичлав бан бюхълай къабивкунтгий. Муттакъил Гъиндинал бувъсса хадисраву бур: «Ца члумал Аьли-асхлаб хъинну къашавай хъуна. На ганачан увкун увкуссия: «Я Амируль-Муъминин, жу нигъачий буссия я ина му цуцаврил икъавчлан». Халифнал увкуну: «Валлагъи на нигъа увсун акъассияв. Идавсил ﷺ ттухъ бувсуна на бакрайх тур рирщуну ивчлантйиву. Му

зан зурул 17-чинсса къини Аьли-асхлабгу, Муаьвийат бин Абу Суфьянгу, Аьмр бин Аьссгу литлун. Ибн Мулджимлул Аьли-асхлаб ивчлаву цайнна ларсъссар, Баркнал – Муаьвийат ивчлаву, Аьмрдул – Аьмр бин Аьсс ивчлаву.

Аьли-асхлаблушчал данди увкуну цацава га ивчлан къахъунтйиву кълуну, Ибну Мулджимлул 1000 диргъамран яла ххуймур тур машин ларсъссар, ялагу 1000 диргъамрах гужсса загъру лавсун, га турданийх бувкссар. Рамазан зурул 17-нний Хасаннун цала бутта Аьли-асхлаб льякъуну ур чак байсса къатлуву. Аьлинал ганахъ увкуну бур:

«Ачиннин ялугълай. Амма му къини Аьмр бин Аьсс къашай хъуну, цахлува цама гъан увссар чакливу имамшиву дан. Аьмр бин Букайрдун га цу уссарив къаувчлуну ивкиссар. Инсантурал га увгъуну Аьмр бин Аьслучлан увцуну бувкълукун, ганал амру бувссар га ивчлан. (Ас-Саваикъуль-Мухрикъа, с. 167-169).

Аьли-асхлаб увчуну мукъах Мухаммад бин Ханафият, Хусайн ва Абдуллагъ бин Джаъфар бавтлун Ибну Мулджимлул кару-чанугу мазгу къувкъуссар, яругу бувкссар. Яла гайннал га ччувчуссар. (Тарихуль-Ислам т.1, с. 490).

Наджа бин Амирдул тимунин бувну, гъарца инсаннан чара бакъа бусурманнашчал талан аьркинну бивкиссар. Талатаву къадайма чапурнан ккалли уллай бивкиссар, га цавагъусса унугу. Мукунма миннал тимунин бувну, хъун бунагъ бувсса инсан чапурнан ккалли айсса ивкиссар. Азракитътураллив цайми динналул агълу къабивтун, бусурман литлайсса бивкиссар, ми ясир байсса бивкиссар, миннал хъус хъямала дайсса диркиссар. Миннавасса цацавайннал бусурман литлайсса бивкиссар миннал чул бугъан ччай бухъурчагу. Хлакьинусса ваххабизмгу хъанахъиссар



рирщумагу Къиямасса Къини яла гъалак хъума иклантиссар».

Буслай бур, ца члумал Ибн Мулджим тисса хариджит Аьли-асхлаблучлан увкун, цирив ца ишираву кумаг чла увкушиву. Аьли-асхлаблул ганан кумаг бувсар, яла га лавгукун увкуссар: «Валлагъи ва инсаннал на ивчлантиссара» – куну. Микку цаннал цувахъуссар: «Туну ина га циван къавчланна?» – куну. Халифнал увкуссар: «На га ивчларча, яла на шил ивчлантиссара?».

Ибн Мулджим ивкиссар Нагъраваннаясса талатаврита ххассар хъусса урча хариджитътуравасса ца. Ца члумал мугу, Барк бин Абдулла ат-Таймигу, Аьмр бин Букайр ат-Таймигу цацлун хъуну, цалва ливтлусса гъалмахтал дакнин бичлай бивкиссар. Микку миннал хлукму бувссар «яла ххуйми бусурман» ливтлунутий Рама-

«Хлакьину ттул бивкълуллул къинири. Тгун Мухаммад Идавс ﷺ макъра ккаккунни» – куну.

Ибну Мулджим ивкисар мизитрал нузах авцлуну, Аьли-асхлаб ачиннин ялугълай. Га мизитравун авчукун, Ибну Мулджим ххявххун, ганал бакрайх тургу рирщуну ливхъссар. Бусурманнал га увгъуну халифначан увцуну бувкълукун, Аьли-асхлаблул увкуссар: «Оьтхулу – оь! На ивчларча – зу мугу ивчляра, на къавчларча, муна танмих! нава бана». Квива гъантлува ивкиссар мукълучинма Идавсил ﷺ халиф ва Идавсил ﷺ ссурахъу Аьли бин АбуТалиб.

Барк бин Аьдуллагъ ва Аьмр бин Букайр турча, Баркнал хъхъувай Муаьвийатлуйх тур рирщуну, ччанайн щуссар. Муаьвийатлул га увгъуну аьшун ивзссар. Аьмр бин Букайр ивкиссар Аьмр бин Аьсс мизитра-

**Хариджъттурал наслу-авлад**

Аьли-асхлаблул Нахраннай харидхитътал шив бувну махъ мий хъинну паракъат хъуну, бакъ гъаз дан нигъа буслай бивкиссар. Муния махъ Омейядтурал члумал миннал чу баллай къабивкиссар халифатрал хъунамашиву Марваннул тлалав дулланнин. Му члумал хариджитътурал кира къюкья дуркссар: ца Иракънаву Нафий бин Азрак бакъчисса (азракитътал), килчинмур Наджда бин Амир бакъчисса (надждитътал). Аьдул Къагъир Багъади чичлай ур: «Азракитътурал хариджизмалувун ларсун бувкиссар цлусса къяйдарду: цивпа личаннин циняв бусурман мушрикинтуран ккалли буву. Мукунма цалва тимуний къабавцлуниннал хъами ва оьрчуру литлаву». («Аль-Фаркъу байналь фиракъ», с. 60-61).

вайннуха лархъхъусса диндалул ххуллия бавккусса къюкья.

**Хариджитътал бусурманнив?**

Ва суалданул ялув бусурманнал аьлимтурал махъру кливачлуну бур. Цавайннал тимунин бувну, хариджитътал чапурнан ккалли бан аьркинссар, Мухаммад Идавсил ﷺ: «...ми диндалува личинтиссар...» тисса мукъурттийн бувну. Цаймиририв тий бур ми бусурманни тий, Идавсил ﷺ «... ттул умматраву...» увкунутий. (Имам Навави «Шарху Сахихли Муслим, 3/131, Имам аль-Минави «Файзуль-Къадир, 3/50»). Вай квивагу хадисрал мяънарду жам дурну учин бюхъанссар: Агана хариджитътал динналува буккансса тлуду дуллай бакъахъурча, масъала бусурманнайн чапуртал тий ва м.д., ми бусурманну личлачиссар.

# Адам Идавс عليه السلام Алжаннава увксса куц

Гъази-аль Хусайнинал «Маталиоьл Жумгъур»

Хавал хъиририв Адамлулгу عليه السلام лачла бувкуну бур. Лачлал ккукку Адамлул عليه السلام лякълувун бувххукун, ганал бакрайсса таж левххун бур. Мукуна, чурхайсса халъаьругу лерххун дур. Яла Аллагнал عليه السلام Жабраиллуйн вахъю ликкан бувну бур, Адам عليه السلام ва Хава ненттабакрахату бувгуну, Алжаннавату буккан бува, куну. Жабраиллул Адамлул عليه السلام ка дургуну, цувагу клачла увну, бачлвасса бакрашчал увцуну, лухччинийн уххан увну ур. Мугу нюзмар кьини баргъ лагавайсса чун диркун дур. Адам عليه السلام Гьиндуллавусса Рагъун тисса зунтуйн увчун бур. Хавагу, цилла ххуйшивугу яла ларгун, хлайзгу хъанахъи хъуну, насабраятугу личли хъуну, кланил лачла хъхъичи бувкуну, Адам عليه السلام хъяврив увну тий, Джиддаливсса цилл щинал хъхъирил зуманив бувчун бур. Иблисгу малаиктурал хлалтабиаьтравату буккан бувну, Иракъуллул лухчилул чулухун бувтун бур. Тавус-лелуххи, цилла ххуйшивугу ларгун, жавагьирттугу ялату лавгун, Бабил тисса лухччинийн ликкан бувну бур. Шатта, цилла куцгу, чурхгу баххана хъуну, муниву загъругу бивхъуну, мазгу хъама бивтун, лякълуй заназигу бувну, Исфагъаннайн бувтун бур. Адамгу عليه السلام Хавагу Алжаннуву Ахиратрал гъантавасса дачли кьини бивчун бур, мугу дунияллул ххюттуршра шин хъанахъиссар.

Адам عليه السلام лухччинийн увчукун, Аллагнал عليه السلام ганайн шану гъан бувну бур. Мукуна, Аллагнал عليه السلام лухччинийсса гъарца хлайвантрайн, урттилсри-лелуххантрайн, гъарца рухл дусса задрайн шану гъан бувну бур. Мунинин хъхъичи шанашаву къадиркун дур. Га цурдагу ххуллун кьини диркун дур. Гьунттимур кьини Адамлул



عليه السلام баргъ ссавнийн най ккавкукун, мунал махлатгалшиву дурну дур. Яла баргъ гъаз хъукун, Адамлул عليه السلام чурх ччучлан бивчун бур, га клачлану бачлвасса бакрашчал уну тий. Муначлан Жабраил увчукун, Адамлул عليه السلام мунахъ шикаят бувну бур, укун ура, куну. Яла Жабраиллул мунал бакрайх ках увкуну, Адамлул عليه السلام лахъисса чурх зувилли ххюра аьршунналул кутла бувну бур. Кутла банни хъхъичи, га мякъ хъувкун, ттуруллава щин хлалчайсса диркун дур.

Яла Адамлул عليه السلام бакл ури хъуну бур, миьру лахъи хъуну бур. Жабраил-малаик увчун мунал баклгу чартли бувну, миьругу къувкуну, щяв бувчуну бур. Аллагнал عليه السلام гайнуняту чассагул мурхъ ххяххан бувну бур.

Адам عليه السلام лухччинийн увчун махъ, шанттуршра

шинай бакл гъаз къадурну дур, ссаврунайн къаурувгун ур, Аллагнаята عليه السلام хлаяну. Клиттуршра шинай аьтгий ивчун ур, мукъаяту уртту ххяхханнин. Лелуххант, урттилсри ганал макъ хлалчлай бивчун бур. Яла Адамлул عليه السلام Жабраиллуйн шикаят бувну бур цала клалашивруята ва бургъил клиришивруята. Жабраил-малаик ца кугу бувцуну Хлавачан лавгун, га хлайванналуя ппал дуркъун, Хлавахъхун дулуну дур. Яла ганин ххаллу дан, щачан лахъхъин бувну бур. Хавал ца чухъа шарщуну дур. Жабраил гагу ларсун Адамлулчан عليه السلام лавгун, га лаххан увну, клучи увну ур, амма га Хавал дуршиву къабувсун бур. Ялагу Адамлул عليه السلام Жабраиллуйн шикаят бувну бур ккашилну ура, куну, цанчирча, мукъцалла шинай цичлав

дукъаркуну, хлакъарчун унутгий. Жабраил-малаик лавгун Алжаннавату клива ниц бувцуну увчун ур, ца лухтисса, цагу ятлулсса. Ганал Адамлул عليه السلام гъай тун лахъхъин бувну бур. Яла ца хъат къалмул ларсун увчун, хъу дугъангу лахъхъин бувну бур. Му хъу гъай тий унува, га ца ниц бавцуну бурча, Адамлул عليه السلام цалла канихъсса аьсав ганийх рирщуну дур. Ганил цувххуну бур: «Тгуйх циван ришлай ура?» – куну. «Увкунур къабуллай бунутгий» – куну бур Адам عليه السلام Идавсил. Ницал куну бур: «Аллагнал عليه السلام вий хъунмасса рахлму бувну бур, Цалва увкунур къабувсса члумал вийх къариршуну, – куну. Яла Адам عليه السلام аьтлунгу ивчун увкуну бур: «Илагъи, я ттул Заллу, гъарца задрал ттул иттах бишлай, лахъуни буллай бур гъатта-

райн бияннин», – куну. Яла Аллагнал عليه السلام Жабраиллуйн амру бувну, цинявппа гъаттарал мазурдийх ках увкуну, гайнун мазру хъама битан бувну бур. Муниа махъ Адамлул عليه السلام хъу дурхъуну, члали хъуну, къама ххяххун бур. Га кьини Жабраиллул ганан ттихлин лахъхъин бувну, хъу ттирхлуну, члаллу бувну бур. Адамлул عليه السلام Жабраиллухъ: «Утти буканна» – куну бур. Ганал: «Ссавур дува» – куну, ца зунттуята клива чару къувкуну, гайннух къама гъавну бур. Иниклма хъувкун, Адамлул عليه السلام «Утти буканна» – куну бур. «Ссавур дува», – увкуну, Жабраил лавгун Дуржагъравату ца цларал клалай ларсун увчун ур, арилла щинавунгу щуну. Агар му щинавун къарщуссания, мунил лухччигу, лухччиний думругу ччуччин дантиссия тлар. Яла Жабраиллул Адамлул عليه السلام ччатл байсса куцгу лахъхъин бувну бур. Ччатл бувкун, Адамлул عليه السلام ялагу: «Утти буканна» куну бурча, Жабраиллул: «Марклалан бизаннин ацлу, вилла зума барт лаганшиврул», – увкуну бур. Муниату, хъхъичира-хъхъичи лухччиний зума дургъума – Адамри عليه السلام. Яла баргъ лавгукун, Адамлул عليه السلام клюлаччатл хъхъичи бивхъуну, цалла ка тиртлуну дурча, клюлаччатл хъхъичла ливхъун, ца зунттуях ялавай багъну лавгун бур. Адам عليه السلام ганил хъиририв агъну, махъунмай лавсун бур. Жабраиллул увкуну бур: «Ина ссавур дурссания, клюлаччатл цуппа бучантиссия вичлан, инава хъиририв къалавгуна». Адамлул عليه السلام га клюлаччатлугу бачли бувкуну, бачли гъунтти кьунниалнингу бувкун бур. Микку Жабраиллул увкуну бур: «Агар ина му махъун къабивтссания, вил оьрчлал цичлав махъун къадишинтиссия» – куну.

## Ттулама яла ххуйма ивчун ур!

Ца члумал имам Абу Ханифачлан ца хъамитайпа дуркун увкуну бур: «Кира шинал хъхъичи ина ттул ва ттул ласнал дянив магъар бивхъуссия. Утти жу личли бансса хлукму бува, ттун ххишала ганал хъанан ччай бакъарча» – куну. «Циванни вин личли хъун ччисса?» – цувххуну бур имамнал. Хъамитайпалул увкуну бур: «Цайми хъаннил ласру члумуй шапшай зана биклай, ттулмарив мудан члалну учлай. Мунил цланий жул дянив гъарца члумал къалмакъаллу хъанай дур». «Муририв щалва багъана?» – махлаттал хъуну ур Абу Ханифа. «Ди. Мукуна диялдакъашиву дусса адиминашал ялапар хъун ттуца къабюханссар» – куну бур ганил. «Хъинни, ттуца зу личли бан хъунссар, ина ца тлалавшин

биттур дарча. Лавгун шаппай, ттун хъунмасса нахлусса ччатл шахъи. Амма ччатл бансса щин, иниклма, цлу члаххувхъанниша ласи. Инава гайннаша циван ласласиссаривгу бувчин бува» – куну бур имамнал. Га хъамитайпа цалчинсса члаххушарничлан лавгун увкуну бур: «Я Марьям, ттун чансса щин дула» – куну. Члаххушарнил цувххуну бур: «Зучла щин духларгун дурив?» – куну. «Щин шардагу дур, амма на имамначлан ласнайн аьрза бан лавгсса члумал, ганал ттухъ ччатл шахъансса члаххушарчлату ласи увкунни» – куну, цийва Абу Ханифал бивхъусса бигар бувсун бур ганил. Микку члаххушар дайдирихуну дур цилама ласная буслай, аьрзарду буллай, укунтукунсса ур, ттий. Яла га хъами-

тайпа цамур члаххушарничлан лавгун увкуну бур: «Я Асият, ца къуса цил дула ттул» – куну. «Ца къусаксса цил вин ци банна?» – цувххуну бур Асиятлул. Ганил бувсун бур цилва иш. «Вин клулссания, ттулма лас цукунсса уссарив!» – куну, члаххушар дайдирихуну дур цилама лас оьрки уллай. Вана укун, чун буххарчагу, царагу цила ласная рязисса шарсса ганин къаляркуну дур. Махъва-махъгу, ганил хъунмасса ччатлгу шавхъун имам Абу Ханифачлан бувчун, увкуну бур: «Вин хъунмасса барчаллагъ. Ва ччатлгу ласи, амма на ласная личли бансса пикривагу бити» – куну. «Утти цивхъур, ттул душ» – цувххуну бур имамнал. Хъамитайпалул увкуну бур: «Ттул лас яла ххуйма ивчун ур!» – куну.



## Ссихир баву

Аллагънайн мютиимур ягу Иблислух вичи дирхъумур?

Патимат Хамзатова

Жулва алимтурал тимуни буну, динналун цана кунна захматсса чун уттигу къадиркиссар. Вай мукъурттин ца хуччану хъанахъиссар инсантал «лукхисса ссихирду» буллан биклаву. Чявусса кказитирттаву бур баян буллаи ссихир буну бучантнимур кил баврия, ва м. ц. Ссихир баву цанасса чумул цуцаву хуну дур. Амма цуцаву хъин дуллаиняр, бувагу къашавай къахурча хъинсар.

Тул пикрилий, хлакьину инсантал ссихирчитурачлан ягу бучлаи хъанничлан лагаву хъинну махлаталсса иш бур. Ца чулуха, Аллагънал ﷻ чичрулин вих бакъашиву, ватур чулуха, ссихирчитурал дуллалисса туллайн вих шаву. Ца-ца чумал хъунадакъай хъами, бучлаи шарссаничлан цал лагаврихлу хъинну хъунмасса багъа – мукъцалва чак булун хладурсса.

Аллагъ ﷻ ххирасса ва Аллагънал ﷻ ххирасса инсан ссихирду булутрал, ва миннал дус – Иблислул кумаграх мюхтажну къаиклайссар. Бувчулутрал ца зад тлайласса бусарчагу, мунивух ацва шялмахъгу хлала байссар. Масъала, миннал жухъва бусарча, жулва ягу жулва гъанминнал ялун ци-бунугу ца бала биян най бушиву, жушара ци даххана дан шайссар

щичлан гъан аьркинссарив килулу бур. Ми ссихирчитал ва бахурду булут ва дуняллий цуксса хлаллай оьрму бутану тий бурвав? Дучантгиссар Къини, гъарца бувъсса шялмахърах жаваб дулун багъантисса.

Ссихир баву ва ссихир бан лахъхъин баву Шариабтрайн буну хларамссар, арулва яла хъуними бунагьиртавун багъайссар. Бахурду баву, бучантнимур бучлачлаву – тлайланмасса ширк хъанахъиссар. Ссихир баву – магъа бакъар, муния инсаннан мийжанугу зарал биян бюхъайссар. Амма Аллагъу Таабланал Иман дуса муъминтал Цалва буруччайссар, муния бусурманнаша шайссар бахурдашчал лаян Аллагънал ﷻ кумаграйхчин. Мунишчал цукун лаян аьркинссарив Идавсил ﷻ жухъва бувъссар.

Ца чумал, Лабид бин Асам тисса жугьутнал Мухаммад Идавсин ﷺ бахлу буну бивкиссар. Цуппагу цашава шайсса яла гужмур бахлу бувссар, хъхъичлава цалва тачлава шинчлава къабувсса. Идавсин ﷻ килулу хъуссар цанма бахлу буну бушиву. Ганал цалва асхлатал Аьли, Оьмар, Зубайр ва Талхат гъан бувссар Зирван тисса къуйлучлан (колодец). Ганил чанулусса чарил лув гайннан ацния цара къурхъ дургсса хинча лярхъуссар. Му чумал Аллагъу Таабланал ликкан бувссар сурар



му килулу бушаврийну? Аллагънал ﷻ чичрулухун бахчин бюхъантиссарив?

Вана укун, жулва инсантал Исламрайн мюти хуну, Аллагънал ﷻ Шариабтрайн буну ялапар хъанансса кланай, Ислам цайнна мютий дан ччай бур. Иманналий оьрму бутан кланай, ми оьрмулин буну Иман дихълан бивкунни.

Ци-бунугу ца захматсса иширавун багъний, Къуръан ва Шариабт килусса алимчувначлан къалавгун, инсантал бучлаи хъанничлан гъан анавар буккай. Къатлува хъус дакъа хурча, кулпатараву захматшиву хъанай духурча, хъхъичлава-хъхъичлава дакнин багъайсса зад – бучлаи хъанничлан лавгун, бахлу-ттерихлу бан. Багъайкун яннагу лахлай, чак буну махъ, Аллагънахъ ﷻ бала-апатирттая буруччаву члаучин килулу бакъарча, арцух бахлу бан

ду «ан-Нас» ва «аль-Фалакъ». Мухаммад Идавсил ﷺ мий сурарду 11-ва бувккукун, гай къурхъру цирда ттерихлан диркиссар. Бусурманнал вай сурарду цалва оьрчангу лахъхъин буну, цалвагу чявуну букларча, цукунчавсса бахурдал миннан зарал биян къабантиссар.

Бувчулутрачлан лавгун, гайннал бусмуни вих хъусса инсан Къуръанналин ва Идавсил ﷻ суннатрайн инкар бувмари. Мунал чак мукъцалва гъантлий къамул къабайссар. Оьрмулуву цукунчавсса дахханашиву къадайсса иширах хъинну хъунмасса багъа булаву хъанай бакъарив? Ца иш бур арцуца ягу хъуслица хурча, Аллагъу Таабланал танмихл муния цуксагу захматссар! Жува Шариабтрайл хукуматрай ялапар хъанай бивкиссания, ссихирчитурансса танмихл – бакл рутава бикантиссия.

## Хъун бунагъру

Талатаврия лихъавугу – хъун бунагъри. Чапуртурашчал биллай-талай гъазаватрай буна, миннаяту махъунай лихъан къабучиссар, чапуртал жува кливаксса бакъа бакъахурча. Масала: киттуршунная, ттурша лихъан къабучиссар, миннал киннал кланай жула ца ацлайтгий. Мунияр чявусса бухурчарив – лихъан ххуллу бур.

Байтуллагърал хларамраву бунагъ шайсса зад баву, цуксса чивисса бунагъ хурчагу, мугу хъун бунагъри, мунил хурмат къабурувчунугий. Миву хъун бунагъ барчарив – цамур кланай клива хъун бунагъ бувсса кунмассар.

Цува цуксса оьсса ухурчагу, Аллагънал ﷻ цимилия хул къукъавугу хъун бунагъри. Заннал цайва цими къабишинссар, цалва афву къабансар, цува Дуржагърал агьлу анссара тий дакд дацлан дурну. Хлатта, баштан мукун хул къукъирча, чапур шайссар тийгума бур.

Аллагънал ﷻ макрулия имин шавугу хъун бунагъри. Аллагънал ﷻ ттулва циксса бунагъру бухурчагу, цуксса нава аьсивсса, оьсса ухурчагу, бунагъиртал афву баншиврий дакд дацлан дурну, цайва рахму буну, Алжаннул агьлу аншиврий дакд паракъат дурну, хлатта баштан мукуншиврий иттикъад цакъ дарча, чапур шайссар тийгума бур.

Лавхъуну махъ Къуръан хъама битавугу – хъун бунагъри. Лавагу къалавхъхъунунияр, лавхъуну хъама битан баву оьссар. Ца оьзру бакъана му хъама битан барча, гъарца аятрал бакрахсса даража нуксан байссар. Къиямасса Къини кару къуркуну изантиссар. Му хъама битан бавуняр оьккисса бунагъ, хъунмасса мусиват бакъассар.

Элму, Къуръан къюкьин бавугу – хъун бунагъри, къасттирай, тикку-шиккун, чапалсса кланайн бунтун, хурмат къабивтун, пикри бакъашиву дурну. Мукунма, Аллагъналгу ﷻ, Идавсилгу ﷻ ца дуса зад чапалсса кланайн дутан къабучиссар. Ми чапалсса кланайн багъну ххал хумургу, гъаз буну, марцисса кланай бишин аьркинссар. Хлатта буруччин къабухълай бухурча – ччуччинссар ягу неххайн бичинссар. Мукунма, Аллагънал ﷻ хурмат къюкьин бавугу, Идавсил ﷻ Шариабтрайн махъ учавугу – хъун бунагъри.

Килулу дан ялусса элму килулу къадавугу – хъун бунагъри, динналуву лахъхъин багъайсса зад къалавхъхъуну. Мукунма, ми лахъхъин ба тиманан лахъхъин къабавугу – хъун бунагъри.

Халкуннан бакъасса зад бусса кунма чалачи буллаи, ми хъаврин буллаи ссихир бавугу – хъун бунагъри.

Ца оьзру бакъана ласначату шарсса дайшун даву мий цанния-ца личи хъунмур буллаи – хъун бунагъри..

Бусурмантурал дянив ламманшиву даву, кунналсса кун

нахъ буслай, миннал дянив энад бутаву, душманшиву дагъан дуллаи заназаву – хъун бунагъри. Ламманшиву дайсса инсан халкъуннал дянив зунарал оьрчи куна, ятин куна, къюкьуну члан иклайссар. Мунал гъаттавун Къиямасса Къини дучанни цу мусаллати дайссар, му ччуланшиврул. Къиямасса Къини кукаччил лажинну изайссар. Хлатта гъаттал аьзабрал шанма бутлул ца бутла ламманшиву даврийну диклайссар. Мукунма къюлтисса зад халкъуннахъ бувсун загъир бавугу – хларамссар.

Рушват ласавугу – хъун бунагъри. Мугу хъанахъиссар хлакьсса зад батлул баншиврул, ягу батлулу хлукму буну ца ххув аншиврул хъус ласаву. Му дулунгу хларамссар, ласун кунна. Амма цалва хлакъирайн иян аншиврул, ягу цанма тлайласса дяввилову кумаг баншиврул, ягу цаятува зарал байшун баншиврул балаллуя къуртал аншиврул, ягу цахлува хлакимтурачла тлайласса дяввилий гъалгъа туншиврул дулаву – ласавурув дурсъссар. Мукун дакъа цамур суратрай ларсъманангу, дуллуманангу нааьна дайссар.

Закат къабуклай, муниву карчаншиву даву – хъун бунагъри.

Цинцилттаву, дачлурдаву наклурдиву хиянатшиву даву – хъун бунагъри, маша-ххашаву, даххайний-ласайний чирисса хъуннасса дурцуну, дурсумур къадурцуну, ягу дуцавруву хилла дурну, мукун миннуву хиянатшиву дуллаи ивкисса инсан Къиямасса Къини лажин лухину, яру някину, маз хъахъину изан увну, дарвачрахун цларал цинцилттугу дирчуну, дуцлацу миннух тий, клива зунттул дянив ххюцалазарда шинай аьзаб дулунтиссар. Хлакъ бакъана бусурманчувнайх ришавугу – хъун бунагъри. Идавсил ﷻ заманнаву цаннайх-цаннал ришаву къадиркиссар, махъ дагъссар. Идавсил ﷻ увкуну бур «Цавай къавм бикантиссар ттул умматиннаяту, канихъсса гъаттарал магъру кунмасса мархъру инсантурайх бишайсса. Ми цларал агьулданиятури» – куну.

Мукунма хъун бунагъри хлакимнал залимнахъ маз буну – бусурманчувнайх ришун даву, мунал зарал бан баву.

Мукунма хъун бунагъри – муьминчувнайх нааьна даву, мунай об махъ учавугу.

Инсаннай бухътан бишавугу – хъун бунагъри. Мунал къабувсса зад бунни куну, къувкумур увкунни куну. Му бухътан бишаву гьибатнир хъиннува оьссар. Мунай ялуссар цал гай цачла бухътан бихълай ивкминначлан лавгун, на пуланная увкусса махъ шялмахъ я, зун килушара чин. Яла лавгун му цай бухътан бивхъуманачлангу, на вий ва бухътан бивхъусса хлалал ити куну - хлалалшиву ласун, яла тавбагу дан. Мукун къабарча, мунал оьккисса аьзаб дикантиссар.

Насихлатуль-аьвам (Пунчукуьатлан)

# Хлакьсса суфизм «ашкара» даву

Дагъусттаннайсса тарикъатрал ххулу бувгъумий

Ахлмат Мухаммадов

**Жува буру инсантал куннал ку ашкара-баявур буллалисса, авара буллалисса чумуву ялапар хъанай. Цумур-бунугу кказитрай ца инсан ашкара арча, чявуми хъинну ххарину му кказит ккалан биклай. Ми аварардая зарал къабикланссия, мукунсса масъаларттавух щялмахъругу хлала къабайсса бивкссания, ва ми щялмахъру динналиясса къабивкссания. Мунин буну, тунгу ччай бур тарикъатрал ххулу бувгъумий ашкара бан, цичлав щялмахъругу хлала къабуну. Жулва гьалгъа бачинтиссар Накшубанди ва Шазали тарикъатрал ххуллийх наниминная, цайми тарикъатирттая.**

На хъирив лаяву дурну, ххал бав мий тарикъатирттал ххулу бувгъусса суфийтал ци дуллан биклайсса бурив. Мий дахъва байбихълахъисса бухурчагума, «ашкара» бан хъинну бигъасар. Ххал банну Дагъусттаннайсса суфийтал ци дулла биклайсса бурив:

1. Хъхъичъа-хъхъичъ миннал 3-ла шагъадат дуккайсса дур: «Ашгъаду алля илягъа илляЛлагъ, ва ашгъаду

ру таржума бував суфийтал щаллуну ашкара баншиврул. Вайннул мяъна хъанай дур: «На Аллагънахъ ттулва бунагъру багъишла битаву чла тий ура». Идавсил хладисирттавун урувгун ттун ккавккунни, вай мукъуртит бунагъру марци байсса бушиву, ми хъинну чявусса бухурчагу. Суфийтурал хъирив авцукун, ттун хлиса хъунни, гайннал мий махъру гьарца

кюрххил ва ахттакъунмай чанманну 100-ва бувайсса бур. Идавсилгу увккусар: «На учаймунивагу, ттуяр хъхъичъ бивксса идавстурал тий бивкмунивагу яла ххирамурди «Ля илягъа илля Ллагъ». Му бакъассагу, чявусса хъунисса алимтурал зикрилл ххирашивруясса луттирду чивчуну бур. Иширах бургарча, мий суфийтал алимтурал ттимунил хъиривгу бачайсса бур.

5. Ялагу ашкара хъунни, хлакьсса тарикъатрал ххулу бувгъуну нанисса муридтурал клай ялув кичи ларгсса дуарттал дянив «Илягъи анта макъсуди, ва ризака матллуби» учайсса бушиву. Мунил мяънагу хъанай дур: «Я Аллагъ! Ттул мурад – Вил рязишивури!». Ттул пикрилий, гайннал вай махъру учайхъунсар, цалла дуллалит мунил къаст – Аллагъу Тааъланал рязишиву душиву хъама къабитаншиврул.

6. На уссия нава ми щаллуну ашкара бувсса ххай. Амма ттуца ялагу кил бан бювхъунни, клай зикрирду ттуршила яла хурама мурднал дуккайшиву. Гайннавух бия клай зикрирду гьарца кюрххил ва ахттакъуннай 700-ла дуккайссагу.

7. Амма яла махлатталмур иш – тарикъатрал ххуллийх наниминнал клай гьарзад щалва оьрмулул муталий дуклан биклайсса бур. Имам Муслимул хладисирттал луттиравун урувгун, ттун гиву укунсса хладис лявкунни: «Яла хъинмур аьмал – мудан тикрал буллалитмурди, цуксса чивисса бухурчагу». Мукунма, ттун кил хъунни, Мухаммад Идавсил гъан-маччаминналгу, ци-дунугу ца эбадат дулла бививхъукун, лях къаьадиртун мудан дулла бивкшиву. Мунияту бухъунсар муридтуралгу клай зикрирду мудан ккалай биклайсса! Утти бувчлай бур цакуну вирд къадурккунна личарча, суфийтал хъинну пашман циван шайссарив.

Утти зува пикри бувар! Цанасса чумал телевидениелувух ягу интерне-травух жунна жура-журасса аьламатру ккаккан дан бюхъайссар, хлатта аьра-нал хлукуматирттавугума. Зун ккаккан бан бюхъайссар цалла лякълувун ххаржантру къутлатисса, пюрунна-лий утту бихълахъисса, царайх заназисса инсантал, гай суфийталли тий. Амма жулва гьалгъа циркряя бакъарча, Дагъусттаннай ялапар хъанакъ-исса, хлакьсса тарикъатрал ххулу бувгъуминнаяри. Ми ци дулла биклайссарив жува бусарду. Аллагънал ччан бикларча, ванияр тихунмагу гай суфийтал «ашкара» булланну.

Шабан  
Рамазанов

Устазнах луглаги!

Аллагънал валийтураясса ца – Ибрагъим аль-Хавас тий ивкссар: «Къюклин дару ххюра затраву буссар: 1) Пикри буну, вив лавсун Къуръан буккаву; 2) ккашилшиву; 3) хъхъувай изаву; 4) кюрххилун чумал, чани хъунни хъхъичъ эбадат даву; 5) салихисса инсантурачал иклаву; (Рухи-уль-баян, с.256).

Хъунисса алимтурал ттимунил буну, гьарца нсаннал къюкливу мудан ччаву диклайссар, ягу Аллагъначансса вай кирагу ччаву ца къюкливу диклан къабюхъайссар. Гай щинаха ва гьавалуха лархъхъуссар. Ссавун-дунугу щин дутирча, гива гьава буккайсса кунма, Аллагъначансса ччаву дусса къюкли дунияллулумуничан кунку ттун къадиклайссар. Ибну Аьббаслул увккусар: «Дуниял хан куннасар. Му хларчма Ахиратлу пашман хъунтиссар». Сугъайб ибн Синаннул бувссса хладисраву бур: «Муьминчувнал даймур гьарзад хайр бусса дур: мунай Аллагънал рахиму-неьмат ликкарча, му шукру булла ур, мунихлу цанма чиригу ласлай. Мукунманансса Аллагънал неьматругу гьарза шайссар. Муьминчувнай бала биарчарив, му ур ях буну ссавур дулла, Аллагънал чичрулий рязину. Мунихлугу ганан Аллагъу Тааъланая чир най бур». Ибну Масоддул увккусар: «Тайласса (Аллагъ рязансса) ххуллийх нанима Алжаннавун ийяссар».

Хлакьну, Аллагъу Тааъланал хларам дурмунил инсаннал рухлангу, чурххангу зарал биян байссар. Бунагъ бавунияр загъру хлачаву хъинсар. Цан чирча, загърулул так чурх бивчин булла бунутий, бунагъиртталлив инсан абадлий Дуржагърал царавун утайссар, Аллагънал жува муния буруччиннав!

Гьарца бусурманчув хъинну личлулу, хлиса ларсун цала къюклил хъирив аьдан аьркинсар. Цалла къюкли бунагъмуния дуручин хларачат бан аьркинсар, гивун Аллагъ уругайнутий. Абу Гьурайратлул бувссса хладисраву Мухаммад Идавс тий ур: «Хлакьну, Аллагъ зул чурхардих, аваданшиврух къаургайссар, Аллагъ так зул къюклих ва аьмаллахри уругантисса».

Аллагъу Тааъла Къуръанналу тий усар: «Я Адамлул оьрчрув! На зун килч хъунсса яна дулав, миннива яла хъинмургу Аллагъная ниьга усавури». «Рухи-уль-баян» ттисса луттираву чивчуну бур, гьарца базулун цинна-циннасса ляххия диклайшиву, га базулун загъирсса ва къюлтисса чул килч байсса. Шариаьтрал жува буруччайссару чурххал бунагъирттая, Тарикъатраллив – иминшиву, Аллагънай мютгийшиву лахъхъин дайссар. Аллагъначан къюкли кунку хъун къадитлай мунихун дахчила-чисса, бусурманчувнан лайкъ дакъасса хасиятру так Тарикъатрайнури яла лагайсса. Хлакьсса, камилсса усттаз аьаманаща мукунсса хасиятирттая арх хъун къашайссар. Шайхнал лахъхъин байсар цалва муридтуран Исламрал динналу хлакьсса мяъна дурчин. Мунияту луглаги хлакьсса усттазнах. Марцисса нийят дума, Аллагънал тайла аьдан айссар.

Аллагънал жунна хлакьмур хлакьну, щялмахъмур щялмахъну ччалачи баннав! Амин.



анна Мухаммада-р-расуллагъ» – «На барашинна дулла ура хлакьсса, эбадат дан лайкьсса Зал ца Аллагъ акъа акъашиву, ялагу на барашинна дулла ура, Мухаммад Аллагънал гъан увсса Расул ушиву». Шагъадат – тавхидрал калима, циняв бунагъру марци буну, чапурчувгума Алжаннавун уххан айсса жавгъарди. Гай суфийтал ттурча, гьарца кюрххил ва ахттакъунмай шамилла ккалай бур му шагъадат. Амма гай ванийну щаллу хъанай бакъар, цана жува гай гужну-ва ашкара банну.

2. Килчин миннай дайсса зат – тавбу. «Астагъфиду Ллагъа лязи ля илягъа илля гьува-ль хлай-ль къайума ва атубу иляйги». На вай махъ-

къини кюрххил ва ахттакъунмай 100-ва учайсса бушиву. Ва иширалгу ми хъинну ашкара булла бур.

3. Ялагу миннал хъирив авцукун, ттун хлиса хъунни, гьарца къини кюрххил ва ахттакъуннай яла чанну Идавсин 100-ра салават дутайшиву. Микку ттун Къуръанналувацца аят дакнин багъунни, Аллагънал жуйнма амру буллалисса Идавсин салават дутлан, Цува Аллагъгу мунал малаикталгу дутлай бунутий. Ххал барча, суфийтурал му салават гьарца къини, лях къаьадиртун дутайсса дур.

4. «Ля илягъа илля Ллагъ» ттисса зикригу мий суфийтурал (миннай ялагу муридтал учайссар) гьарца

## Суфийтурал бусала

Ца алимчувнан ххал хъуну ур хъинну пашмансса мискинса адимин. Ганал цувххуну бур: «Ина пашман хъанай циван ура?» – куну. «Ттулла мискиншиврул цаний» – жаваб дуллуну дур ганал. Микку алимчу айивхъуну ур ганал чурххал бузурдал цардугу буслай, цухлан: «Ина вайксса ардух вилва ва базу булунссия?» – тий. Цумур базилия цуххирчагу, мискинчувнал: «Къабулунссия!» – учайсса бивкун бур. Алимчувнал укуну бур: «Туну ина циван пашман хъанай ура вичара мийксса хъус дунура?» – куну.



8-928-...-16

**Жугъутнаву ва хачпараснаву-гу марцисса дин дусса ца-ца кьюкьа дуссар тIун бикIай. Му тIайлассарив?**

Марцисса, тIайласса дин дикIаншиврул, Аллагьнал ﷻ гьан гьан бувсса тIайласса Лу бикIан аьркини. ХIакьинусса кьини ца Кьурьан бакъасса цамур лу бахана кьабувну ливчIун бакъар. Инжил ва Таврат баххана кьабувну бивкIсса чIумалгу, гайнну-ву чивчуну бивкIссар МухIаммад Идавсил ﷺ хьирив бачин аьркиншиву.

**Шариаьтрайн бувну чапурчувнан ци-дунугу даххан бучIиссарив?**

Ци-дунугу дахлахисса инсан икIан аьркинссар балугъравун увхсса, цувагу цанма ччай (хуш-рай) дахлай икIан аьркинссар. Машан ласласиманан кIай дакъасса ялагу кIира шартI дуссар: 1. Ярагъ машан ласласима бусурманнащал дяъви буллалисса икIан кьабучIиссар; 2. Кьурьан-налувасса чичру дусса зад ласласима бусурманчув икIан аьркинссар, ца хIарп дусса духьурча-гу. Мукунма, бусурманчув акъаса инсанан Идавсил ﷺ хIадисру, асхIабтураясса кьиссарду чивчусса лу баххан кьабучIиссар.

**Чак байсса инсаннан лаччи ягу чимус букан кьабучIиссар тIун бикIай. Му тIайлассарив?**

Лаччи ягу чимус букан бучIиссар, хIалалссар. Амма мукунсса кьанкъ дусса зад дуркусса инсан мизитравун жамааьт-чалийн лагаву кьахьинссар.

**БучIиссарив бакIрай кьяпа бакъа хIажатханттувун уххан?**

« Б и д а я т у л ь - Г ь и д а я т » тIисса луттираву Имам Гьазали чичлай ур бакIрай кьяпа бакъа хIажатханттувун увхун кьахьиншиву, цанчирча, му чIумал мунавун жин буххан бюхъайнутIий.

**Хадижат ﷺ ва дунияллия лавгукун, Идавсил ﷺ цу бувцуссар??**

Хадижат ﷺ бивкIукун, Идавсил ﷺ Савдат бинт Замаьт бувцуссар.

**Идавшиву дулуннин МухIаммад Идавс ﷺ хIухчуну зий ивкIшиврул хIикматшиву цир?**

Цалчин, МухIаммад Идавс ﷺ захIмат бан кIулсса, даврия нигъа кьаусайсса ивкIссар. КIилчин, цала буттауссу Абу Талиблун захIмат кьахьуншиврул, Идавс ﷺ цанмасса ччатI цува ляхълай айивхуссар.

8-928-...-99

**ХIан дахлахисса тучанналуву мавлудиртгах вичIи дихьлан бучIиссарив?**

ХьхьичIва-хьхьичI жунма кIулну бикIан аьркини, хIан дахлан, хIачIлан, ягу цамур хIанттищал бавхIусса ишираву гьуртту хьун хIарамсса бушиву. Мукунсса тучанналуву лахъну мавлудру лархьун вичIи дишаву жулла дин-налул кьимат ялавай баву, кьюкьин даву хьанахьиссар. Мунин бувну, вичIи дишин ччарча, наушникру лаххун лахъан бучIиссар.

**Дукра куямур каних дукан бучIиссарив?**

Дукра урчIамур каних дуркуну хьинссар, суннатссар. МухIаммад Идавсехъ ﷺ цIувхуссар: «Инава цакуну куямур каних кьацIливу дирхьуну дукра дуркуссания ци бантIиссия?» – куну. Идавсил ﷺ : «На гай махьуннай дуккан дантIиссия» – увкуссар. Ца чIумал халиф Омьардун кквкун ур ца инсан куямур каних ласлай дукра канахисса. Ганал увкуну бур: «УрчIамур каних дуки». Халифнан гава инсан цIунилгу куямуних канай ххал хьувкун, Омьар-асхIаблул ганал канийх мархьгу бивчуну бур. Аллагьнал ﷻ ца кIицI кьаларгун ягу куямур каних дуркусса дукралувух щяйтIаннунсса бутIагу бикIайссар.

8-903-...-56

**Магъар бишайний буцайсса бардулт цукунсса бикIан аьркинссар?**

Магъар бишайний, яла чанну кIия бара икIан аьркинссар. МухIаммад Идавсил ﷺ увкуссар: «Магъар бишайссар так душнил валийнал (кьажим-нал) ихтиярданийну, кIия аьдилсса инсан бардултнугу бувцуну» (Ибну Мажагъ). Валий ва бардулт бикIан аьркинссар: – бусурмансса; – балугъравун бивсса; – аькьлу-кIулши дусса; – хьун бунагъру кьабайсса ва мюрщисса бунагьирттай даим кьашайсса. Мукунма бардулт мурчIисса, кьюкIсса ягу маз кьакIулсса бикIан кьабучIиссар.

**НакI ттихълахьисса бярч баххан бучIиссарив?**

НакI ттихълахьисса бярч бавххуну, оьл кьабавххуну, ягу оьл бавххуну бярч кьабавххуну битан кьабучIиссар, бярч накI дакъа ялапар хьун кьашайсса бухьурча. Мукунсса бярч биххан бучIиссар, оьл кьабивтун. Амма оьл бивххун, бярч кьабитан кьабучIиссар. Мий кIивагу архIал биххангу бучIиссар.

8-903-...-56

**«Ясин» лакку мазрай буккин бучIиссарив?**

«Ясин» ва цаймигу Кьурьанналул сурарду аьраб мазрай бакъа буккин кьабучIиссар.

**Кьинилун ххюва чак ялув бишиннин Идавс ﷺ цими чак буллай ивкIссар?**

Идавсшиврул дайдихьулий МухIаммад Идавс ﷺ кьинилул кIива кIи-кIира ракааьтрайсса чак буллай ивкIссар: ца кIюрххил, ца ахттакьунмай.

**ХIурмат бусса уссурвал ва ссурвал! Зунма цIуххин ччисса, ИсламрацIун, ШариаьтрацIун, кулпат-рал багъу-бизулуцIун бав-хIусса ва м.ц. суаллу гьан бан бюхъайссар SMS – райхчIин вай номердайн: 8-928-580-37-89 8-928-671-99-03**

8-928-...-78

**ТIайлану таржума був-са Кьурьан ча машан ласун шайссар?**

Кьурьан таржума бувкун ганил мяьна зия кьархьуну кьадикIайсар, мунин бувну, таржума бувсса Кьурьан буклан кьабучIиссар. ХIакьину жучIава бур хьунисса аьлимтурал чивчусса, Кьурьанналуву бумур бувчIин буллалисса чIавусса луттирду. Гай бувккуну дин лахъхьин аьркинссар.

8-928-...-64

**Ттул ссу бивкIуссия оьрму-лул кIира шин кьархьуну. Тту-ла душнин ганил ца дизан бучIиссарив?**

БучIиссар, бусурманнан лайкь-сса ца духьурча.

**БучIиссарив хьамитайпалун бакIрай карщи кьадуртун чаклин биссун?**

БучIиссар чил арамуран ххал кьахьунсса кIанай.

8-928-...-65

**Мизитрава акбар тIисса чIу бавукун, лавай бизан аьркин-сарив?**

Азан бавукун щяивкIсса инсан лавай изан аьркиншиву дакъассар. Ци-дунугу дуллай ухьурча, азан кьур-тал хьуннин давугу дацIан дурну, азанналул жаваб дуллуну хьинссар, авцIуну унугу, щяивкIун унугу. Утту ивхьусса инсаннан азанналул чIу баярча, никиргтай щяивкIун ганих вичIи дишаву хьинссар. Азан увкуну махь дуаь дуккавугу суннатссар

## Рузнама

### Апрель

Кьини	КIюрххил чак	Баргъ-буккаву	Ахттайн чак	Ахтта-кьун чак	МаркIачан чак	ХьатIан чак
1	3.50	5.29	12.00	15.27	18.18	19.44
2	3.48	5.27	12.00	15.27	18.19	19.46
4	3.44	5.23	12.00	15.28	18.21	19.49
6	3.40	5.19	12.00	15.29	18.23	19.52
8	3.36	5.16	12.00	15.30	18.26	19.55
10	3.32	5.12	12.00	15.31	18.28	19.57
12	3.28	5.09	12.00	15.32	18.31	20.00
14	3.22	5.05	12.00	15.33	18.34	20.04
16	3.18	5.01	12.00	15.33	18.36	20.07
18	3.13	4.98	12.00	15.34	18.38	20.10
20	3.10	4.96	12.00	15.35	18.40	20.13
22	3.05	4.93	12.00	15.35	18.42	20.15
24	3.01	4.90	12.00	15.36	18.44	20.19
26	2.97	4.87	12.00	15.37	18.47	20.23
28	2.92	4.84	12.00	15.38	18.49	20.26
30	2.88	4.81	12.00	15.39	18.51	20.29

Зунттал районнай ахттакьун чак байссар 10 минутIрал чIалну, маркIачан чак – 5 минутIрал чIалну.